




H. XIII. 8




Nova-Tacina. Liter.-

937.  
I







Henrici Nicolai

1. Oratio de Protervia quadam Philosophica.
2. Miscellanearum Exercitationum Decades III.
3. Gymnasium Ethicum.
4. Irenicum sive de differentiis Religionum conciliandi  
Comentatio.



D. O. M. A.  
Miscellaneorum

DECADIS II.

EXERCITATIO X. & ultima  
De

# MORTE

ET MORTALITATE

Physiologica & Historica

*Disceptationis loco in Gymnasio Gedanensi  
proposita*

PRÆSIDE

HENRICO NICOLAI

Phil: Professore Publico

*Respondentis partes tenente*


JOHANNE PETRO TITIO

Lignicio-Silesio.

*Ad diem 15. Julij. S. N.*

In Auditorio Philosophico


Horis ab 7. matutinis.



---

GEDANI. Typographo GEORGIO RHETIO ex-  
scripta. ANNO 1637.







Miscellaneorum  
Decadis II. Exercitatio X.

# De morte & mortalitate.

**H**umana vitæ conditio præcipuè ab primo & ultimo die continetur: cum multum interesse sciamus, quibus auspicijs inchoetur ille, & quo fine claudatur. Ac illū demū felicem verè æstimemus, cui & accipere lucem prosperè, & reddere placidè contigerit. Medium modò aspero, modò tranquillo decursu peragitur: ac spe minus existit, dum capidè votis extenditur, & fere sine ratione consumitur. Sed finiendi cursum maxima cura habenda est, cum, ut aqua mariendi necessitas universis incumbat, diversa tamen finientes fata experiantur. Quippe mors, dicente Senecā in Thebaid. ubiq; est, sed mille ad eam aditus patent. Sed & tūc vitam non sine ratione consumemus, cum, quid vivendi finis sit, curiosius perquisierimus. Et enim, quid ipse vitæ exitus sit, quem mortem dicimus, definire, non minus arduum deprehenditur, quàm vita rationem explicare. Ille festivus epigrammatum lator ex modernis, quid sit mors, dicere rogatus, ludendo effugit, cum ita l. i. epigr. 101. jocatur:

Mors quid sit, rogitas? Si scirem, mortuus essem:

Ad me, cum fuero mortuus, ergò veni.

Conemur tamen post vitam etiam mortē explanare, & finem vitæ commentando decadem secundam Miscellaneorū concludamus. Ita dum ad discendum semper nos pauperes æstimamus, ad docendum nos reddemus locupletissimi-



mos cum *Socrate* ap. *Valerium Max.* l. 8. cap. 7. n. 8. externus

2. Consideratur mors & in *Theologiâ*, ut est stipendium peccati, *Rom.* 6. v. 23. in *Christo* somnus. *i. Thessal.* 4. v. 13. aditus ad vitam. *Joh.* 5. v. 24. 2. *Tim.* I. v. 10. ac ut beata esse patet. *Apoc.* 14. v. 13. & in *Medicinâ*, ut medicamentis protrahi & praeaveri potest. *Syr.* 38. v. 1. seq. & in *Ethicis*, prout contemnenda aut prudenter eligenda est; & in *Physicis*, ut oppositum vita est, causis naturalibus inducitur, & compositi viventis destructio est: Quae consideratio magnam partem nostrae disceptationis erit.

3. Sumitur vox mortis variè. Interdum tropicè pro lethali & mortifero. Sic 2. *Reg.* 4. v. 40. Mors in ollâ. Sic *Psalm.* 116. v. 8. 2. *Cor.* I. v. 10. c. 11. v. 23. Interdum pro re mortuâ, sic pallida mors, pro hominibus mortuis pallentibus. Interdum generalissimè pro quavis rei etiam inanimata corruptione. Sic sapientia mortua. *Job.* 12. v. 12. peccatum mortuum, *Rom.* 7. v. 9. Fides mortua. *Jac.* 2. v. 17. quae non benè operatur & se exerit. Quandoq; pro quavis rei mutatione. Sic *Augustin.* l. 3. con. *Maximin.* c. 12. mutationem in mutabili mortem vocat. Et *Bernhardus*, omnis mutatio mors est, inquit. Sic *Socrates* ridebat homines mortem timentes, cum quotidie morerentur. Sic cum ex infante fit puer, adolescens, juvenis, vir, senex, mori vocabant antiqui. Interdum pro capitis diminutione & degradatione civili, quae mors civilis dicitur. *Vi l. 1. instit.* tit. 12. l. 1. & li. 38. digest. t. 2. l. 4. Interdum pro morte spiritali vel peccati. *Rom.* 6. v. 2. vel legis *Judaicæ.* *Gal.* 2. v. 19. *Col.* 2. v. 20. vel mundi. *Gal.* 6. v. 14. vel gratiae divinae. *Eph.* 2. v. 5. 7. *Colos.* 2. v. 13. vel aeterni supplicij. *Apoc.* 2. v. 11. c. 20. v. 14. *Joh.* 8. v. 51. Interdum propriè pro naturali *Physici* viventis corruptione, quomodo in *Physicis* sumitur, Hoc modo adhuc dupliciter sumi solet, vel



vel ut motus & tendentia est, vel ut terminus. Ut motus & progressivè, sic notat ipsam corruptionem vel corruptivam mutationem vivi per separationem animæ à corpore introductam, ut cum dicimus, homo moritur. Ut terminus corruptione jam introductus est, sic est ipsum non esse corporis viventis, & est privatio ac negatio tē esse vivum, ut cum dicimus, homo est mortuus. Sumitur vel pro viâ, vel pro termino. Priori modo est corruptio: posteriori privatio s. ipsum privatum esse. Et sic maximè hoc loco accipietur. Grammaticè dicitur à  $\mu\omicron\gamma$ , quod quasi  $\mu\omicron\gamma$   $\beta\iota\omicron\varsigma$ , corruptio vitæ sit, quemadmodum morbus q.  $\mu\omicron\gamma$   $\beta\iota\omicron\varsigma$ , corruptio virium dicitur. Alio nomine etiam obitus, fatum, interitus, abitus, excessus. Sic Cicero excessum vitæ dixit, vel è vitâ. 2. Tusc. §. 27. Antiquis abitus, ut ex Festo observat Becman. p. 742. orig: Pætis etiam lethū, mortu, lethi viâ. Nex & cades plerumq. de cruentâ morte dicuntur. Grecis  $\theta\alpha\lambda\alpha\tau\iota\varsigma$ ,  $\mu\omicron\gamma$ ,  $\mu\omicron\gamma\alpha$ ,  $\pi\omicron\tau\mu$ . Hebræis מָוֶת, מָוֶת, מָוֶת, מָוֶת. Germanis todt sterbē/ende/aufgang. In sacris vocatur & dissolutio, Phil. 1. v. 23. somnus. Joh. 11. v. 11. 13. congregatio ad populum suum. Gen. 25. v. 8. c. 35. v. 29. viâ universe carnis. Jos. 23. v. 14. 1. Reg. 2. v. 2. & similiter. Quidam per explicationem litterarum mortem dicunt, quod Mordeat Omnia Rostro Suo, vel, mutet omnes Res Sepultas. V. Heidfeld: c. 38. sphynx:

4. Ita nomine viso rem ipsam, que mors vocatur, videbimus per definitionem, causas, subjecta, divisiones, affectiones, ac cognata & opposita.

5. Definitio sit: Mors est vitæ Physicæ essentialis privatio ex separatione animæ & corporis profecta.

6. Circa definitionem nota 1. Definiri hic mortem, Physicam, non spiritualem & hyperphysicam: nec equivocam, que rerum non viventium & inanimatarum est, quas

mortuas vocamus, ubi operationes satis vegetas non exercentur.  
 Sic magnetem mortuum, ubi ferrum trahere desit. 2. Physico modo & ratione, quatenus à ratione Physicè indagari, & in subjectis per physicum modum locum haberi, non ut præcisè est pœna humano generi justè à Deo ob peccatum inflicta, quomodo in Theologicis considerari solet. 3. Genus ejus assignandum est per analogiam, non rigidam competentiam. Est enim mors ens privativum & destructivum, non positivum. Et privationes ut primò & directè in prædicamentis Logici non sunt: ita nec primariò directis generibus & speciebus subiectæ sunt. Reductivè & secundariò ad prædicamenta referuntur; & sic etiam generibus subijciuntur. 4. Ut inveniamus qualemcunq; ejus genus, inquirenda est mortis Categoria, ad quam per reductionem referri debeat. Et optimè ex opposito mortis, vitæ indagabitur. Vitam dixisse actum substantialem rerum viventium, d. 9. c. 4. 5. 6. Ad idem ergo prædicamentum pertinebit cum substantiis, quarum est actus. Prout principia rerum, materia & forma, ad Categorias ipsarum rerum, quarum sunt principia, revocari solent. Sic anima humana ad Categorias substantiæ, leonina ad eandem refertur, ut principium hominis & leonis formale, qui homo & leo Categorie substantiæ inferuntur. Cum ergò ex opposito mors sit corruptio istius actus substantialis, quem vitam esse diximus, consequenter reducenda erit ad ipsum substantiæ prædicamentum, Cujus est essentialis sublatio. Non quod vel substantia sit, vel sub ullâ ejus specie contineatur, ex quâ communionem aliquam generis participet, sed quòd ejus privativum sit oppositum. Ita enim privationes ad Categorias habituum reducimus, non quòd vel summum, vel intermedium, vel aliquod habituum genus participent, quod non nisi absurdè illis attribuas: Sed quòd sint opposita privativa istorum generum. Sic cecitas, sur-



*surdities, reducuntur ad Categorias habituum, visus & auditus, qui in Qualitate, ejusq; specie, potentiâ naturali sunt. Non dices, cecitatem vel esse potentiâ naturalem, vel qualitatem, vel accidens afficiens subjectum in Quale speciale: Sed assignando qualem cunq; conceptum genericum ejus dices, cecitatem esse potentiâ naturalis videndi privationem, surditatem esse potentiâ naturalis audiendi, qualitatis & accidentis qualitativè negationem, in subjecto per naturam debito. Similiter de morte procedendum. Non dices, mors vel est animal, vel corpus animatum, vel substantia viva: Sed eorum opposita privativa assignabis, dicesq;: mors est animalis, corporis animati, substantiæ vivæ Physicæ & essentialis destructio.*

7. Duo sunt, quæ hic dubium queant suffundere. Ea, ut toti materiae majus lumen fœneremur, subjungemus. 1. Si mors est destructio, erit corruptio, & consequenter mutatio & motus, generationi oppositus. Si est motus, ad actionis aut passionis Categoriam reducenda erit, Eò enim generationes & corruptiones rerum referuntur. Et consequenter malè ad substantiam reducitur, tanquam ejus privativè oppositum, cum sit generationis privativè oppositum. Ut dubium solvatur, advertantur sequentia. 1. Corruptio spectatur vel ut est tendentia quadam ad terminum, vel ut est ipse terminus. Priori modo est motus: posteriori est terminus jam motu destructivo acquisitus, i. e. ipsum destructum esse. Quemadmodum generatio sumitur vel pro tendentiâ ad formam introducendam, sic est motus: vel pro ipso esse per formam jam introducto, sic est terminus motus, & ipsum generatum esse, non generari. 2. Generatio & corruptio conveniunt in mutatione, per quam utraq; definitur, generatio enim physica, de quâ hic loquimur, est mutatio à non esse ad esse: & corruptio est mutatio ab esse ad non esse formæ in materiâ: Sed non ut in rigido genere, quod

quod univocè & per equalem attributionem prædicetur de  
 trāg. specie, nam generatio est vera ac positiva mutatio, per  
 quam verum aliquod esse introducitur: corruptio verò nec ve-  
 ra nec positiva est mutatio, ac per eam non esse, sed essendi ne-  
 gatio introducitur: Sed ut in analogico per attributionem,  
 quod primò & per se competat generationi, secundò & per de-  
 pendentiam ac attributionem ad generationem corruptioni.  
 3. Eodem modo mors spectari potest, vel ut corruptio, vel ut  
 corruptum esse & terminus est, V. t. 3. *Vi corruptio, sic est mu-  
 tatio analogica, & ad passionis Categoriam reducitur. Sed hic  
 maximè spectatur ut terminus & corruptum esse est, & sic  
 pertinet ad Categoriā oppositi sui termini, cuius est privatio.  
 Qui cum hic sit substantia Physica animata & viva, rectè ad  
 hujus Categoriā, ut ejus essentialis privatio & destructio re-  
 fertur. Et hāc ratione magis substantiæ prædicamento  
 quàm actionis aut passionis reductivè assignari commodius  
 videtur.* 2. Dubium est, si mors est privatio, est nihil. Si  
 est nihil, nequit esse pœna peccati, quod est per t. 11. R. ad ma-  
 jorem, tūc est nihil sc. non simpliciter & negativum, sed πὼς  
 & privativum, in certo subjecto. Sic destructio domus est  
 privatio & nihil privativum, non negativum: aut ens positi-  
 vum, sed corruptivum. Et tale pœna peccati esse potest.

8. Varia aliās circa genus mortis assignandum Philoso-  
 phorum est distractio. 1. Quidam separationem animæ pro  
 genere assignant, prout vitam unionem & permansionem ani-  
 mæ definebant. d. 9. t. 7. Ita Conimbr. l. de vit. c. 3. Sed ut  
 c. 1. ostensum, accuratè visa non est unio animæ cum corpore,  
 sed in & ex eā: Ita ex opposito mors non est separatio ipsa ani-  
 mæ & corporis, sed ex eā profecta. Mors enim hic non pro mo-  
 tu & corruptione, qualis est ista separatio, sed pro termino  
 corruptione introducto, accipitur, qui est ipsum non esse  
 vivum



*vidum Physicum: Sed Philosophis solenne est, loco generis causam & dñi ponere, ut c. l. deductum. Quidam cum addito, dolorisimam separationem mortem dicunt, ut Jacob: de Clusa ap. Barthol: l. 8. ench. Phy: c. 9. Falsò. Non enim semper mors cum dolore, ut cum spiritus extemplo dissolvuntur, ut in gaudio emorientibus: aut quibus senili marcore mors obvenit, & interdum cicutæ haustu, ubi mors citra dolorem inferitur. Ita si venis in balneo scētis sanguis emittatur, velut sopor aliquis surrepit mors citra dolorem. 2. Quidam cessationem omnium functionum animæ definiunt, ex Scalig: ex: 307. f. 33. Magirus l. 6. Phy: c. 4. Sed vita non est functio aut operatio, sed actus substantialis & principium functionum in vivente. d. 9. t. 9. Ita nec mors est cessatio functionum, sed privatio vitæ & principij functionum, ut rectè Scalig: c. l. 3. Quidam negant, mortem esse destructionem compositi, sed tantum dissolutionem partium ejus, quæ per aggregationem ad unum, constituerint compositum. Sic per mortem non destruitur essentia hominis, sed dissolvi partes. Vnde dissolutio dicatur Phil: I. v. 23. & Paulus cum Christo esse desideret. At non possit esse cum aliquo, cujus essentia sit destructa. Ita Gorleus ex: Phil: 12. Hæc ex falsis hypothēsibus procedunt, quasi nullum compositum sit essentialē & per se, sed omne per aggregationem partiū. Sic omne compositum salvum manere possit, etiamsi una & altera pars sit ablata. Sic exercitus salvus manet, etsi unus alterq; miles desit. Sic acervus lapidum salvus, etsi unus aut alter lapis dematur. At homo nunquam constabit, si corpus vel animam demas. Vnde patet, longè aliam partium & unionis hic esse in toto essentiali rationem, quàm in aggregativo. Deinde non potest esse cum aliquo, cujus essentia totaliter quoad omnes partes essentielles est destructa. Sed ita hominis essentia in morte non destruitur; manet enim*

enim vita in animâ humanâ ut radice & fundamento suo, quo in corpore & composito formaliter conciliabatur, ut d. 9. c. 21. visum. Et sic secundum potio-rem sui partem, animam, Paulus cum Christo post dissolutionem esse desiderat. 4. Empedocles mortem ignee nature secretionem esse dixit: Anaxagoras animæ divulsionem: Leucippus excretionem nimiam animæ caloris: Alcmaeo abscessum sanguinis plenum statuit, ap. Plutarch: 5. d. plac: Phil: c. 24. 25. Alij resolutionem animarum in Lunam mortem dixerunt, ap: eundem l. d. facie in Lunâ. Quæ omnia deliria vel Tropici lusus vocabulorum sunt, quibus immorari nihil juvat.

9. 5. Quidam mortem hominis totalem annihilationem & omnium partium essentialium destructionem putant esse. Vt Photiniani. Smalc: l. de div: Chri: cap. 13. Resurgere est ex non existente iterum existere. Negant etiam animas humanas post mortem separatas existere, & sensu actûq; præditas esse, & dicta pro immortalitate animæ adducta singula enervant. Smalcus d: 7. c. Franc: p. 409. 410. Ambiguè de eâ loquuntur Racovienses in colloquio suo ap. D. Gerhard: de morte. §. 149. Animam comparant ingenio, sagacitati, valetudini, quæ etiam DEVS dederit. Socinus c. Pucc: f. 79. c. 1. Sed hæc non sunt res subsistētes, ita nec anima subsistēs erit. Et sic totus homo peribit. Negant jam esse Ecclesiam triumphantem, sed olim futuram esse. Smalc: d. 8. c. Franc: f. 273. Negant sanctos defunctos existere, sed olim exituros. Smalc: c. 100. err. Smigl: p. 33. Negant beatos statim pervenire in cælum, sed tandem perventuros esse. Id: d. 4. c. Franc: f. 75. Negant animam absq; corpore sensu vel ullâ voluptate frui. Id: f. 409. & exam: 100. error: Smiglec: p. 33. 34. 35. Negant animas post mortem præmia vel pœnas accipere, ap. Gerh: c. 1. Si hæc omnia negantur, quomodo anima post mor-



tem verè existere & vivere potest? Idem negant Anabapti-  
stæ & Libertini ap: eundem c.1. Accedunt & quidam ex  
gentilibus. Seneca Tragicus in troad: a. 2. f. 3. Post mortem  
nihil est, ipsaq; mors nihil. Sic Hecuba apud Euripidem: Es-  
se mortuum nihil est, vita insunt spes. Ita & plures gentili-  
um. Falsò omnes. 1. Si mors hominis est totalis annihila-  
tio, nullus eorum, qui in V. & N. T. à sanctis resuscitati fue-  
runt, fuit verè mortuus, quia nullus eorum annihilatus fuit.  
Et sic veritas miraculi divini in resurrectione mortuorum  
patrati pessundatur. 2. Si mors est annihilatio, & Christus  
annihilatus fuit, nam & ille verè mortuus est. Sed hic non, non  
enim vidit caro ejus corruptionem. Psalm. 16. v. 10. Act. 2.  
vers. 31. Et sic nec annihilationem, quæ aliqua corruptio supra-  
naturalis est. E. nec nos. 3. Nemo congregatur ad annihila-  
tos & qui prorsus non sunt. Nam quod prorsus non est, ad id  
nihil aggregari potest. Sed per mortem congregamur ad popu-  
lum nostrum. V. t. 3. E. non possumus morte penitus annihila-  
ri. De dictis oppositis, quæ de mortuis dicunt, quòd non sint, ut  
Psalm. 39. v. 14. Jerem. 31. v. 15. c. 49. v. 10. Iherem: 5. v. 7. Si-  
rac. 17. v. 26. videbimus in *τὸν ἕκτον*.

10. Hæc de genere vitæ. Ex differentiâ dicitur, vitæ  
physica privatio. Mortis vocabulum de variis rebus dicitur,  
etiam non animatis. V. t. 3. Ut ergò pateat, cujus hic sit priva-  
tio mors, additur, quòd sit vitæ physica, ejus nempe, quæ ab a-  
nimâ vivâ et informante formâ conciliatur, ut visum d. 9. t.  
7. Quodcunq; ergò corpus physicum vitæ physicæ ab infor-  
mante formâ conciliatam habet, id subiectum est morti, de quâ  
hic agitur. Ultimò additur causa proxima mortis, nempe,  
quòd ex separatione animæ & corporis proveniat. Ut vitæ non  
erat præcisè ipsa unio animæ & corporis, sed actus aliquis sub-  
stantialis compositi ex unione istâ resultans, d. 9. t. 7. Ita mors

non est præcisè ipsa partium essentialium separatio, sed destructio ex istâ separatione proveniens. Vulgò dicitur mors separatio animæ & corporis. Scalig. ex. 307. f. 33. Sed id ita explicandum, ut vita dicebatur unio eorum, d. 9. c. 1. causaliter non formaliter. Mors est separationem partium consequens, & ex eâ proveniens. Causam hic sumere oportet non rigidè, quomodo positiva & entia realia causas habent: sed latè & analogicè, quomodo etiam privationibus & negationibus causas assignare solemus. Sic tenebrarum causas recessum lucidi dicimus, & mortis causâ, recessû animæ vivificatis. Hinc Scholastici attributa de privationib<sup>9</sup> positivè dicta non realiter, sed intentionaliter explicanda ajunt, quatenus per modum formarum à nobis concipiuntur illa, & sic subjectis inesse, ut formæ positiva, intelliguntur. Et separationem animæ oportet sumere indifferenter, vel cum permansione animæ post separationem, ut in animâ rationali: vel cum desitione simplici, ut in formis materialibus, quæ post corruptionem compositi desinunt esse. Quod desinere alij per annihilari explicant, ut Timplerus l. 1. Empf. c. 2. q. 13. Gorkæus ex. 15. f. 1. Pererius l. 15. d. nat. c. 4. p. 836. Alij per simplicem desitionem essendi, ut idem Perer. l. 14. c. 9. & resolutionem in potentiam materia sua, ex quâ prodierunt. Vt Thomas p. 1. q. 104. a. 3. 4. Freitagius d. 2. c. Sperling: t. 32. d. 3. 6. 70. Hocq<sup>ue</sup> probabilius, ut alibi dicetur.

II. Causas mortis assignando, erunt illa vel supernaturalis, vel morales, vel naturales. Supernaturalis causa est Deus ejusq<sup>ue</sup> ira, qui mortem ob peccatum minatus est. Gen. 2. v. 17. & ut justus judex infligit. Deut. 30. v. 18. Psal. 90. v. 7. 9. Sirac. II. v. 14. c. 17. v. 1. Moralis causa est Diaboli seducens malitia. Sap. 2. v. 24. Joh. 8. v. 44. & hominis peccantis apostasia & culpa. Rom. 5. v. 12. 17. 21. c. 6. v. 23.

I. Cor.



I. Cor. 15. v. 22. Hinc quidam dicunt: Anguis peccatum generavit in horto: Sanguis iustitiam reparavit in arâ. Heidefeld. c. 38. sphing. Alij Diabolum patrem, peccatum matrem mortis vocant, ap. eund: c. l. Naturales cause sunt vel internæ vel externæ. Internæ sunt, continua qualitaturn elementarium pugna, calidi & humidi radicalis quotidiana absumptio, & morbi ex malignitate humorum in corpore exsurgentes, affectus vehementiores, ac separatio tandem anima & corporis, quæ est proxima & universalis causa mortis, quæ posita ut inseparabile consequens mortem ipsam subsequi est necessarium. Externæ sunt omnes violentiæ, quæ mortem animali inferre possunt. Vt ignis comburens, aqua suffocans, aer pestilens interimens, terra absorbens, gladij, fustes, conti, funes, venena, omniaq; arma, quib; mors inferri potest. Finis mortis est, partim esse pœnâ peccati: partim malorum omnium levamen & terminum: partim in impijs esse maledictionem, & æternæ mortis initium. Materia mortis est subjectum, cui mors infligitur. De eo th. 12. videbitur. Forma mortis consistit in ipsâ privatione vitæ. De causis mortis variè delirârunt gentiles, ut ex quorundam de morte opinionibus th. 8. adductus patere potest. Galenus extinctionem caloris naturalis causam mortis ponit. l. 2. d. temp. c. 2. & Conimbric: d. vit. c. 3. Hæc causa propriè est in morte naturali, ubi paulatim calor deficit & tandem extinguitur. In violentâ etiam respirationis defectus, Dissipatio subita spirituum, abundantia humidi suffocantis, incussio teli lethiferi, & alia causa mortis esse possunt, ut th. 18. patebit.

12. Subjectum mortis est vel totale vel parziale. Totale est vel generale vel speciale. Generale omne corpus animatum, quod animâ vivâ instructum est, ut planta, bruta, homines. Speciale est homo, & hic vel in genere vel in specie

spectatus. In genere unusquisq. homo, qui vivus in generatione  
 factus est, & peculiari privilegio non excipitur sive foras in  
 lucem emissus sit, sive in utero materno manserit, ibiq. morte  
 defunctus fuerit. Sic quosdam fœtus in utero materno emori  
 ex historiis scimus. Quorum Hiob meminit c. 3. v. 10. In spe-  
 cie inter homines Christus & Adamus. Christum in exina-  
 nitione morti subjectum, & reverâ mortuum esse ex historiâ  
 Evangelicâ docemur. Matth. 27. v. 50. Olim hæretici quidam  
 veritatem mortis Christi negaverunt, ut Cerdoniani ap. Pon-  
 tanum, c. 13. cata. hæ. Marcionita apud eundem, c. 33. Si-  
 moniani, c. 53. Basilidiani, c. 9. Manichæi, c. 32. Hodie magnâ  
 partem exoleverunt. Et ampliùs nec mors nec mortalitas  
 Christo dominatur. Rom. 6. v. 9. 10. Apoc. 1. v. 18. Adamû  
 post lapsum & mortalem & actu mortuum fuisse ex Gen. 5.  
 v. 5. scimus. Sedan & ante lapsum fuerit mortalis potentiâ  
 proximâ, ita ut tandem actu mortem sustinuisset, gravis  
 cum variis adversariis est controversia. De quâ antequam a-  
 gatur, adverte pro statu controversia eo melius formando  
 sequentia. 1. Mortale aliquid dici potest tribus modis. 1. Re-  
 motissimè, quicquid tale est, ut corruptionem aliquam susti-  
 nere possit, etsi actu nihil de eâ vel patiat, vel in isto statu pa-  
 ti debeat. Sic Adamum ante lapsum mortalem fuisse non ne-  
 gamus. Habuit enim corpus animale, elementare, materiâ  
 contrarijs partibus & qualitibus præditâ coagmentatum, cu-  
 jus calor ex repugnantia & impuritate alimenti debilitari po-  
 tuit: Creatus fuit in vitam animale, talisq. natura fuit, quæ  
 dolere, pati, corrumpi, mori remotè potuit, etsi actu nihil illo-  
 rum in statu integro experiri debuerit. Si tamen peccaret, ta-  
 lis erat, ut illa experiri posset. Prout post peccatum actu ea ex-  
 perius fuit Conf. d. 5. t. 18. 2. Propinquè, cum aliquid per  
 continuam partium absorptionem ad interitum non solùm a-  
 ptum



ptum est, sed & proclive, & ad corruptionem naturaliter propendet. 3. Proximè, cum non solum ad corruptionem aliquid propendet, sed & ipso actu ei tandem subijciendum est, eamq. adveniente termino subire cogitur. Quomodo nunc post lapsum omnes mortales sumus. Primo modo Adamū etiam ante lapsum per naturam mortalem fuisse, concedimus, posterioribus negamus. Ante lapsum homo fuit mortalis fundamentaliter, non effectivè: Post lapsum imperialiter & effectivè, ut non solum mori potuerit, sed & ob peccatum debuerit. 2. Aliquid potest dici mortale vel per naturam præcisè sumptam, vel per eam ut integram & donis concreatis perfectissimis instructam. Priori modo Adamum per naturam mortalem fuisse concedi potest, posteriori negamus. Conf. t. 14. 3. Aliquid est immortale vel absolutè & per summam naturæ necessitatem, ut Deus: vel per naturalem essentia simplicitatem, ut angelus, anima rationalis, & omnis spiritus creatus: vel natura glorificata conditionem, ut homines beati in vitâ aternâ: vel per concreatam & inditam naturæ perfectionem. Postremo modo hominem immortalem in integritate statuimus, non prioribus.

13. Et in eo nobis controversia cum Adversariis intercedit: An Adamus in statu integro quoad omnia dona concreata & in imagine DEI spectatus fuerit proximè mortalis, ut subeunte termino tandem morti actualiter subijciendus fuisset, An immortalis hoc modo fuerit? Ad prius inclinant Adversariorum varii. Ex antiquioribus Pelagiani apud Augustinum Epist. 106. & l. de hæresi c. 88. Origenes & Origenista apud Pontanum in Catal: hæret. c. 38. qui corpora nostra etiam post resurrectionem mortalia & iterum corrumpenda dixerunt. Vnde sequitur, & in Adamo ante lapsum ita fuisse, nam post resurrectionem restituetur plenariè, quod

*in Adamo perdidimus. Ex Neotericis quidam Pontificii, ut*  
 Eugubinus annot. in. c. 2. Gen. ap. Bellarm. de grat. pr.  
 hom: c. 2. *Alii concedunt quidem, primum hominem im-*  
*mortalem conditum fuisse, sed supernaturalis gratia id fuisse*  
*contendunt, per naturam autem fuisse mortalem.* Bellar: c. 1.  
 c. 9. Perer. l. 5. in Gen. n. 141. 142. Vallesius c. 6. de  
 Sacr: Philos: Scotus in 2. sent. dist. 19. Valentia T. I. d.  
 7. q. 4. p. 2. p. 1461. 1462. Thomas p. I. q. 97. a. 1. *Aquibus*  
*non multum abis* Keckermannus l. 2. 1yst: Theol: c. 2. p.  
 184. Photiniani *ad unum omnes hominem primum mortalem*  
*conditum docent.* Catech: Racov: p. 21. 26. Socinus  
 in prælec. c. 1. & integro tract: con. Puccium. & l. d. serva-  
 tor: p. 3. c. 8. & respo. ad object: Cuteni fol. 85. Ostorod.  
 c. 33. instir: §. 2. 3. seq. Smalc: d. 7. co Frantz: pag. 399. Stegma  
 in probâ c. 12. p. 462. & alii. *Estq; hoc dogma non mini-*  
*imum fulcrum totius religionis Photiniana, unde & satisfactio*  
*Christi, & finis passionis ejus, & incarnationis articulus, & at-*  
*tributum justitiae vindicatricis in Deo, & verus finis adventus*  
*Messiae, aliq; negantur vel pervertuntur.* Photiniani con-  
 sentiunt, ut in multis solent, Arminiani in apol. c. cens: Lei-  
 dens. c. 3. f. 56. 57. & c. 5. fol. 59. Episcopi d. 5. de oper:  
 DEI. t. 4. Welsingius l. de offic. hom. Chri. f. E. 2. 3. aliq;.  
 Accedit ex Philosophis Timplerus l. 3. Empsy: c. 1. q. 13. Ex  
 gentilib9 Senecæ Philosopho. Idem in excerptis tribuitur, mori  
 hominis naturam esse, non pœnam: hac conditione intrare nos,  
 ut exeamus. Sed illa excerpta Seneca vix esse alii disputant.

14. *Contrarium nostra assumunt Ecclesia, præunte*  
 Augustino l. 6. de Gen. ad litt. c. 25. l. 13. d. C. D. c. 15. l.  
 22. c. 30. Lombardo 2. sent. d. 19. a. aliq;.  
*Et rectius I. Qui ad perfectam imaginem DEI creatur, non potest proximè*  
*mortalis creari, nam imago Dei summam omnium perfecti-*  
*onem*



enem in creaturâ comprehendit, & sic etiam incorruptibilitatem. Vnde Sap. 2. v. 23. ad explicationem imaginis DEI conjungitur & ἀφθαρτα. At homo ita creatus est ante lapsum. Gen. I. v. 27. c. 5. v. 1. c. 9. v. 6. Ergo proximè mortalis esse non potuit. 2. Quod est pœna & comminatio peccati, conditio natura integra esse non potest. Sunt enim opposita, status natura integra, & peccato vitata. At mori, & proximè mortalem esse, ut tandem mors sequatur, est pœna peccati. Rom. 5. v. 12. c. 6. v. 23. Gen. 3. v. 17. & comminatio ejus. Gen. 2. v. 17. Vbi non solum mors actualis vel æterna, vel moriendi necessitas intelligitur, sed & propinqua mortalitas, quæ ad mortem tandem tendit. Mors enim generaliter accipitur, pro omni significato suo, quod naturæ adversatur: & quoad initium suum, quod est propinqua mortalitas: & quoad progressum, quem dant morbi & imbecillitates corporis: & quoad exitum, qui est ipsa corruptio vivi. 3. Destructio natura non habuit locum in perfectione natura. Status enim perfectus corruptionem, uti contrarium suum, excludit. Mors est destructio natura, & propinqua mortalitas via & tendentia ad illam est. E. Neutrum in statu integro locum habere potuit.

15. Ad opposita, quæ hic objiciuntur, breviter hæc habet. I. Ex elementariâ compositione & depugnatione, liberorum procreatione, ciborum assumptione & quotidianâ consumptione ac alteratione, animalis vitæ conditione, imaginis terrena gestatione, & similibus, mortalitas aliqua sequitur, sed remota, quâ aliquid absolutè quidem est corruptibile, cæteris tamen paribus: & ut possit etiam non mori, & sic immortale esse, si aliæ & magis propinqua mortalitatis causæ non ponantur, qualis peccatum & Diaboli invidia fuerunt. 2. Aliud est, dicere, aliquid mortale esse, solitariam naturæ conditionem ejus quæ essentialia constitutiva & consecutiva præcisè spectando: aliud,

mortale esse in totâ concreatâ naturâ internâ & completâ perfectione spectatum. Prius de Adamo adferri potest, ubi ex meritis principis naturalibus constitutivis & consecutivis spectatur, qualiter nunquam extitit: Posterius non, ut cum gratiâ divinâ animæ & corporis, intimè naturam ejus perficiente & exornante consideratur, quæ ei concreata & pro statu perfectio naturaliter ac ordinariè conveniens erat, & in posteros, nisi peccasset, propagari debuerat; ac hætenus naturalis ipsi dicitur. Quomodo Adamus creatus est, & in statu integro extitit. Non homo absolutè quâ homo, fuit immortalis, sed quâ integer, & cum donis totam naturam intrinsecè perficientibus creatus. Si DEVS hominem tantum corpus naturale & physicum esse voluisset, principia corruptionis habuisset, ex quibus ipsa corruptio tandem secuta fuisset. Sed & eum integrum, felicissimum, & sibi similem esse voluit, unde proxima corruptibilitas excluditur. Vt cūq; fuerit Adamus mortalis constitutione solius naturæ & corporis animalis: immortalis tamen beneficio gratiæ concreatæ & perfectionis naturalis extitit.

3. Christus mortem & propinquam mortalitatem abstulit, finaliter, etsi non formaliter: non ut nos mortales esse aut mori non teneamus, sed ut non in morte manere, sed in vitâ iterum revocari debeamus. Sic à peccato & Sathana nos redemit, non quasi nihil illa in nos habeant: sed quòd victoriam de nobis reportare non debeant. Sic Sathana tentationibus subjacemus, in Christo tamen victoriam ab omnibus istis reportamus. 2. Cor: 4. v. 9. II. Rom: 8. v. 35. 36. & seq:

16. Ita subjectum mortis totale, generale & speciale, fuit. Partiale subjectum dici potest, quo extinctio principaliter animatum moritur. Hoc est in animalibus cor, fons vitæ, ac primum vivens, & ultimum moriens, secundum Arist. 2. de gen. an. c. 4. Et cæteris visceribus corruptis vitalitas in corde



corde durat, ut Plinius loquitur l. II. c. 37. Vnde sicut ab ipso  
ut à fonte vitales operationes dimanant: Ita illo validè læso  
vita adimitur. Vnde & nullam gravem noxam cor patitur,  
aut animal moritur. Excipi tamen possunt extraordinarii qui-  
dam casus, in quib<sup>us</sup> corde læso animal vivere ad tempus potest.  
Sic Hegenicius in itiner: Hollandico p. 17. narrat, mili-  
sem in dextro sinu cordis vulneratum ultra 15. dies supervi-  
xisse, & ex sinistro sinu tantisper spiritus vitales profluxisse.  
Ceterum subjectum mortis ultrà extendunt aut coarctant alii  
diversimodè. 1. Quidam etiam animas hominum morta-  
les & tandem interire statuunt. De Photinianis, Anabapti-  
stis, & Libertinis th. 9. id visum. De Epicureis, Sadduceis,  
Arabibus quibudā, Origene, Theopyschitis, Galeno, Lucretio,  
Johanne 23, & Paulo 3. Ponti: Rom: & Bembo Cardinale simi-  
le refert Gerh: c. l. §. 149. Storcis eundem errorem adscribit  
Pontanus C. 54. c. l. sed contrarium ipsos sensisse Lipsius af-  
firmat, & ex Senecā l. l. ep. 120. patet. Empedocles animam  
cum corpore morti subjecti, ap. Plutarch. l. 5. de plac. Phil.  
c. 25. 2. Quidam etiam homines in aternā vitā iterum mori-  
turos esse ajunt, ut Origenes & Origenista ap. Pontan. c. l. c. 38.  
3. Quidam corpus humanum totaliter mori, & nunquā resur-  
gere dixerunt, ut Basilidiani apud Pont: c. l. c. 9. Carpocratia-  
ni. c. 11. Cerdoniani. c. 13. Esset. c. 20. Manichæi, c. 32. Marcio-  
niti, c. 33. Saturniani, c. 49. Severiani. c. 52. Simoniani. c. 53.  
& alij. Accedūt his Anabaptista in Colloq. Franckent: art. 28.  
Et Photiniani, Socin<sup>us</sup> resp: ad Pucc. c. 10. p. 281. 283. Ostorod.  
c. 41. instit. Smalc. exam. 100. err: p. 36. & d. 7. co. Frantz. p.  
407. 415. Falsa hæc universa, ut in Theologicis pluribus docet-  
ur. 4. Quidam à subjecto mortis quosdam excipiunt, ut E-  
nochum & Eliam, quos scriptura in calum translatos ait. Gen:  
5. v. 24. 2. Reg. 2. v. 11. Alij ipsos suaviter mortuos putant,

*& animas illorum translatas in cælum, ut Calvinus in c. 9. Gen. secutus Abenesram & Iudaos. Sed hoc contra Syrac: 44. v. 16. Heb: 11. v. 5. est. Alij circa finem mundi ipsos reversuros & tùm morituros putant. Ut Cor: à. Lap. in. c. 5. Gen: 7. 24. Perer. l. 7. in Gen: 17. 140. Viegas in Apocal: c. 11. f. 6. Toletus in c. 1. Joh. §. 58. Bellarm. l. 3. d. Pontif: c. 6. & Papista communiter. Sed scriptura de hoc nihil habet, & Hieronymus in cap. 4. Matth: Iudæis & Iudaizantibus hereticis illam sententiam tribuit. Rectius extraordinario exemplo eos à communi morte exemptos esse dicitur, cui aliàs lege peccati subiecti fuissent. Alij Ieremiam prophetam à morte excipiunt. V. D. Gerh. de morte §. 58. Alij Iohannem Evangelistam, ut Papistarum quidam ap. eundem har: resur. c. 11. Alij Mariam virginem & Iohannem Baptistam, ut eorundem quidam ap. eund. deref: mort: §. 118. Sed scriptura iterum nil de hoc. Quidam illos excipiunt, quos dies extremus vivos deprehendet, quos mutatum iri, non morituros, ajunt. Verè hoc, & ad mentem scriptura. 1. Cor: 15. v. 51. 1. Thess: 4. v. 15. 17. Vnde & Christus iudex vivorum & mortuorum vocatur. Act. 10. v. 42. 1. Pet: 4. v. 5. Quidam & hos morituros putant, unde lectionem 1. Cor: 15. aliter formandam censent, de quib. latè vid. D. Gerh. d. res: mort: §. 115. seq. Quidam Charemonem quendam Nili urbis Episcopum excipiunt, qui cum conjuge ad desertum ob persecutiones Decij fugiens missus postea sit inventus, etsi anxie à fratribus quaesitus, ut Eusebius refert l. 6. hist: Eccles: c. 41. Quem translatum in cælum sine morte putant. V. Manlium Collect. p. 134. Sed incerta hæc sunt.*

17. *Vise sunt cause & subiecta mortis: sequuntur divisiones. Hæ vel in species, vel subiecta, vel gradus. Ex speciebus mors est vel naturalis, vel præternaturalis. Naturalis, quæ*



naturali modo calorem vite naturalem extinguit, & sic virus interitum adfert. Dicitur naturalis, non quod à naturâ sit, vel illi concreta sit, aut illi conveniat, est enim præter naturam, ejusq; destructio: Sed consequenter, quia citra violentiam externam animati naturam naturali modo tandem consequitur. Fit hoc 1. ipsius caloris per quotidianum usum debitatione, quomodo omne agens naturale animatum agendo debilitatur, ut experienciâ constat, & rectè deducit Scaliger ex. 23. l. 2. Quod cur neget Magirus l. 6. Ph. c. 4. t. 35. non video: & 2. pabuli imminutione & non satis commodâ appositione, cum pabulū non satis comminuitur, aut ad nutritionem disponitur, unde calorē extingui necessum est. Dicitur etiam marcor naturalis, in animalib; senectus, in plantis ariditas. Sic cum senes aut arbores diuturne naturali quodam defectu tandem intereunt. Præternaturalis est, qua præter ætatis rationē modo alieno inferitur. Estq; vel mira, vel violenta. Mira, qua mirabili modo, causis & tempore non speratis subit. In Indiâ Astomorum gens odore vivere dicitur, & graviore odore haud difficulter exanimatur. Plin. l. 7. c. 2. Quædam libidinosa in Venere sub viro extincta. Camer. C. l. c. 96. Idē Corn. Gallo & T. Aeterio equiti contigit. Plin. l. 7. c. 53. Quidam gaudio inſperato repente obierunt, ut Sophocles & Dionysius: Alii dum calceantur, ex templō exanimati sunt, causis non satis liquentibus. Alij inter eundem, dum pedem offendunt, occiderunt. Alij in foro, in Capitolio, in sacrificio improvisò interſcribendum, medendum, alij aliter exanimati. V. Plinium l. 7. c. 53. Val. Maxi. l. 9. c. 12. Alij alijs modis celeriter perierunt. V. Apolepht. p. 3. erquicē. p. 849. seq. Drexel. prod. æter: c. 1. §. 20. Puer aliquis è stiriâ ex tecto in subeuntis caput delapsus mortuus est, de quo Martialis epigramma vide l. 4. epigr. 18. Georgius Clarentia dux mori jussus in labrum vini

*Cretici se coniecit, & liquorem sorbendo stillatim admisit mortem. Drexel. c. l. c. 3. §. 22. Moſis mors mirabilis, quæ juſſus mori à DEO in montem aſcendens ſuaviter expiravit, modo incognito. Deut. 34. v. 5. Joſephus l. 4. ant. c. 6. nube in vallem repente ſublatus docet. Alij negant mortuum eſſe, alij ſtatim reſurrexiſſe ajunt. V. Corn: à Lap. in c. 34. Deut. v. 5. Sed contra ſcripturum illa ſunt. Similiter Aaron juſſus DEI ſuaviter & mirè obiit, conſtans viribus & ſanitate. Num. 21. v. 29. Rabbinī multa de ejus morte conſingunt. Vid. Cor. à Lap. in c. l. Num: Vxorīs Lothi mors mirabilis, quæ momento mortua & in ſtatuum ſalis commutata eſt. Gen. 19. v. 26. ratione corporis, non animæ, quæ incorruptibilis à corpore ad ſua loca deceſſit. Tertullianus carmine de Sodomā ejus ſtatuum ſemper compleri ſcribit, eſſi à viatore fruſtrum de illā decidatur. Aenigma ſuper eā hoc proponi ſolet: Cadaver, nec habet ſuum ſepulcrum: ſepulcrum, nec habet ſuum cadaver: ſepulcrum tamen & cadaver intus. Quia nempe ipſa & ſepulcrum & cadaver ſibi eſt. Epitaphium enigmati- cum in hanc rem Bononiæ videpi narrat Drexeliuſ c. l. c. 3. §. 11. Quidam inſu mortui, quidam triſtitiā. V. Manlium collect. p. 743. Apolepht. p. 3. erquicſt p. 855. ſeq. Quidam poſt mortem adhuc ambulāunt, erecti ſteterunt, locuti ſunt, aliq̃q̃ perfecerunt, quæ vivi ſolent. Vt Leodegariuſ, Petruſ, Oſitha, Seu: Boethiuſ, Dionyſiuſ Arcopagita, Vrfuſ & Victor martyreſ, aliq̃q̃. V. Drexel. c. l. §. 6.*

18. Mors violenta eſt, quæ violento modo præter ætatis rationem calorem nativum extinguit. Fit hoc variis modis. Interdum ab ipſo calido corrupto, interdum à frigido, interdum aliis violentiis externis. A calido, i. Cum ventilatio & refrigeratio caloris inhibetur vel corrumpitur, unde i- pſum calorem ſuffocari neceſſe eſt. Sic qui muris includuntur,

vivi



vivi sepeliuntur, aëris ventilati defectu suffocantur. Sic pisces in aquâ putridâ intereunt, quia aër non satis ventilat aquâ. Sic in aëre pestilenti interimus, quia non satis depuratur aër ab vaporibus noxiis, quibus est refertus. Sic in aëre nimis calido suffocantur interdum animalia, ut in balneis, vaporariis.

2. Cum respiratio in totum adimitur, & sic animal suffocatur. Ut qui suspendio & catharris suffocativis vitam finiunt. Quidam in hypocaustis ex calce tectoriâ recenti repente suffocati. Camer. C. I. c. 27. In Chiliensi provinciâ ventus subtilis & noxius est, qui ex templò calorem vitalem suffocat. Idem C. 2. c. 70. Philemon risu nimio senile guttur salebris spiritus prae-gravans suffocavit. Valer. M. l. 9. c. 12.

3. Cum rationis sanguinis, alimenti, vel pravitas, vel defectus, vel non iusta proportio adest, unde calorem corrumpi oportet. Sic cum alimentum detrahatur, ut fame animal intereat. Septimo die in ediam homini esse lethalem creditum est. Plinius plerosq; & ultra undecimum durasse refert. l. 11. c. 54. Quidam in cruce per 9. dies famem pertulerunt, Lipsi l. 2. d. cruc: c. 12. Septem dies in ediam passos, etsi supervixerint, interire tamen ex Plinio refert Bodinus l. 4. de Rep. c. 2. p. 554. Erastostenes Philosophus voluntariâ in ediam se extinxit. Apolepht: c. l. p. 873.

4. Cum ob cordis motum deficientem etiam calorem naturalem extinguere oportet, ut cum animi deliquio, cordis palpitatione, aut alio graviore cordis affectu animal inter-moritur. A frigido, cum frigoris violentiâ calor naturalis extinguitur, ut qui nivium mole in itineribus suffocantur. Interdum tanti nivium globi convoluti sunt, ut integros pagos & villas ad radices montium sitas obvoluerint. Quales historias ap. Fabricium l. 4. Cosmoth: sacr. c. 13. videas Sexaginta milites Helvetij aliquando subversi niveo globo. Id c. l. Conf. & Camerar, C. 2. c. 87. Item qui nimia frigoris violentiâ

tiâ perimuntur. Qualia exempla hiems fœvisfima ante bien-  
nium & præfens hujus 1637. anni non pauca nobis suppedita-  
runt. Vel qui venenis frigidis intereunt, ut opio, cicutâ. Ab  
externis violentiis variè mors inferitur: Vt cum fulmine a-  
nimalia exanimantur, gladio feriuntur, rotis contunduntur,  
ex superno delapsi emoriuntur, ædificijs corrueantibus suppri-  
muntur. Sic Fidenis theatrum aliquod collapsum 5000. homi-  
nes debilitavit aut obrivit. Tacit. l. 4. ann. c. 10. Sparta  
gymnasium corruit, & puberes omnes oppressit. Plutarch. in  
vit. Cimonis. Camer. C. 2. c. 100. Eupolis Atheniensis pri-  
mâ nocte cum uxore ex ruinâ thalami oppressus est. Camer. C.  
1. c. 96. Aeschylus Tragicus ex testudine ab aquilâ in caput e-  
jus illisâ perijt. Val. M. l. 9. c. 12. Erfordie Anno 1583. pala-  
tium Friderici Caesaris collapsum, & octo principes cum mul-  
tis nobilibus & militibus in latrinam delapsi expirârunt. A-  
poleph. c. l. p. 874. Item cum missilibus aut telis conficiun-  
tur, à feris dilaniantur, à muribus consumuntur, ut Hatto Ma-  
guntinus, Popellus II. Polonia Rex cum uxore & liberis: Wil-  
deradus Argentinenfis Antistes, & alij. Camer. c. 1. c. 12. aut  
phtiriasi pereunt, Vt Spensippus, Arnolphus Caesar, Sylla, Alc-  
manes, Pherecydes, & alij. Apoleph. c. l. p. 866. Philippus  
3. Hispania Rex, Lansius Or. c. Hisp. p. 549. Quidam equis  
excussi, alij aquis suffocati, alij alijs modis extincti, qui innu-  
merabiles. Conf. Apoleph. c. l. p. 861. seq. Vnde Poëta: Mille  
modis morimur mortales, nascimur uno: Sunt hominum  
morbi mille, sed una salus. ap. Heidfeld. c. 38. sphyn. Petro-  
nius p. 78. sat. eleganter: Illum bellantem arma decipiunt: Il-  
lum dijs vota reddentem penatum suorum ruina sepelit: Ille  
vehiculo lapsus properantem spiritum excussit. Cibus avidum  
strangulavit, abstinentem frugalitas. Si benè calculum po-  
nas, ubiq; naufragium est.



19. Ex subjectis mors alia plantalis, alia animalis dici potest. Plantalis, quæ plantis competit, & vocatur ariditas. Animalis, quæ animalibus, & interitus compositi vocatur. Estq; vel brutalis, quæ in brutis animalibus, vel rationalis, quæ in hominibus reperitur. Ex gradibus per analogiam sic dictis mors vel totalis vel partialis esse potest. Totalis, cum compositum totaliter interit. Partialis, cum pars aliqua viventis extinguatur, ut vitam habere amplius non appareat. Vt cum in plantis rami quidam exarescunt, salvis cæteris. Cum in homine paralysis & hemiplexia uni lateri sensum & motum, & sic vitam adimit, ut unum latus hominis vita expers esse videatur. Ex gradibus mors etiam est vel repentina vel lenta. Repentina, quæ celementer ingruit. De eâ t. 17. dictum. Lenta, quæ per morbos aut cruciatus successivos opprimit. Ejus exemplum est in illis, qui lentis cruciatibus ad mortem aguntur, de quibus d. 5. t. 21. & qui tæbe, febribus, scorbuto, podagrâ solvuntur. Berengarius mortem lentè opprimentem optasse fertur, ut vel per febrim vel dysenteriam solveretur, ne sermonis usu ad extremum usq; spiritum destitueretur. Dresser. mill. 6. p. 161. Ex modis inferendi mors est vel in alium relata, vel in se reflexa. Relata, quæ in alienum subiectum fertur. Vt cum latrones jugulant viatores, carnifices facinorosos. Reflexa, cum in proprium corpus fertur. Vt qui seipsum interficiunt, & αυτοχειρες appellantur. Gentilibus admittebantur illi & laudabantur: Christianis nec ferri αυτοχειρίας, nec probari potest, nec etiam à magistratu iussa occupari debet, ut alibi disceptabo.

20. Fuerunt divisiones mortis: Sequuntur affectiones. Eæ vel antecedentes sunt, vel consequentes. Antecedentes, quæ mortis incursum antecedunt. Tales sunt signa, unde mors prævideri potest. Plin. l. 7. c. 51. Cum innumerabilia mortis signa sint ait, salutis & securitatis nulla sunt. Hac à Medicis

dicis recenserī solent, ut oculi in cavum recedentes, crebra jactatio, loci mutatio, lecti sterniorum lancinatio, & similia. V. Scholtzium s. 5. aphor. Med. Sennertum l. 3. inst. Med. p. 1. s. 4. c. 15. & par: 3. c. 1. Plinium c. 1. Drexel. prod. æt. c. 3. §. 20. In quibusdam prævisio mortis est singularis, non quòd intellectus incipiat ab animâ separari, ut ineptè Cardanus, contra quem Scalig. ex. 307. s. 34. Sed vel ob peculiare temperamentum: vel quòd anima magis sibi relicta attentius propria circa discessum suum à corpore presentiscat: Vel ob singularem instinctum Propheticum. 2. Reg. I. v. 4. c. 20. v. 1. Genethliaci etiam mortem prævident ex astris, sed scientiâ conjecturali, non immutabili, unde non esse edicta pratorum sua responsa dicunt, Quo de alibi. Communiter mortis determinatum tempus ignoratur, secundum illud: Nemo obitus novit tempus, locum, modum. Principes interdum peculiaria signa mortem prædicentia habent. V. Drexel. prod. æt. c. 3. §. 20. Caesaris parricidium equi ubertim stantes præsagierunt. Sueton. in Cæs. c. 81. Comiti Höyensi pygmaeus aliquis dono dedit annulum, cui ruber leo gemmæ loco insculptus fuit. Quoties fatum alicui ex ista familiâ imminuit, leonem expalluisse narrat Hamelman: l. 1. Chron: Oldenburg: p. 22. Metus mortis, quo naturaliter animal mortem horret, unde Aristot. 3. Eth. c. 9. omnium rerum maxime horribilem eam vocat. Hinc Creon ap. Sophoclem: Fugiant & audaces retrò, postquam propè vitam in suam grassarier mortem vident. Zimara q. 50. quarit, Cur Clerici præ alijs ægrè mortem perhorrescant? Quod vel frigiditati & melancholica eorum natura adscribit, vel quòd penitus in familiâ suâ pereant, nullâ relicta sobole successurâ. Necessitas, quâ post lapsum necessariò omni viventi est subeunda, nisi quis peculiari privilegio eximatur, ut quidam. V. t. 16. De eo V. Drex. c. 1. c. 1.



**l. c. i. §. 25.** Generalitas, quā universaliter in omnia vivencia Physica grassatur. Consolationes, quibus adversus mortem nos erigere debemus. Ea vel naturales sunt & Philosophica, ex naturā sumpta, quas vide apud Senecam l. i. ep. 30. 71. 78. 107. & plures persequitur D. Gerhard. d. mort. §. 484. Vel spirituales & Theologica, quas per 10. capita Idem digessit §. 486. seq. Conf. & Balduin. l. 3. cas. Consc. c. 4. q. 7. Corn. à Lapide præf. pentateuchi. Picturæ, adumbrationes & hieroglyphica mortis, quomodo crano humano appicto, modò compage humana ossa, modò alijs modis mortem adumbrant. Consequentes affectiones mortis sunt, quæ ejus statum consequuntur. Et deformitas cadaverum mortuorum & putredo. Nostra corpora in liquorem putridum resolvuntur: Orientalium quorundam, ut Persarum, in modum stipitis exarescunt, & in occidentali Indiâ in conclavibus appensa multas per annos ostenduntur. V. Camerar. C. i. c. 14. de reis imagunculis cadaveribus inditis putredinem longos per annos arcuerunt Aegyptij, æ enim putredini vehementer resistit. Id. c. 1. Idem medicatis aromatibus ita cadavera contra putredinem pramunierunt, ut ad 2000. & 3000. annos incorrupta servarentur. Idem C. 2. c. 70. Enchuse in pinacotheca D. Paludani cadaver Viri ostenditur, quod per annos 300. non contabuit, ut narrat Hegenitius in itiner. Holland. p. 60. Quidam ex spinâ hominis putrefacti angues generari scribunt. Camer. C. i. c. 11. & C. 2. c. 70. Plin. l. 10. c. 66. Gerhard. d. mort. §. 77. Sed alijs id pro fabulâ habent. D. Frantzius d. interp. Scri. loco 133. In nostris sepulcris tale quid non observatur. Sepultura, quæ varia apud varios fuit. Quidam terra mandârunt defunctos, quidam cremaverunt, alijs devorârunt eos, alijs devorandos bestijs objecerunt, alijs sumptuosius mauseoleis & reconditorys asservârunt. De illis vide D. Gerhard.

c. l. §. 78. Camer. C. I. c. 14. C. 2. c. 70. Cæl. Rhodigin. l. 9. ant. lect. c. 43. 44. 45. Heidfeld: c. 39. Sphyn: *Omnium gloriosissime sepulchrum est Moses, ab ipso DEO immediate.* Deur: 34. v. 6. *Quidam semetipsos adhuc vivi sepelierunt, & expirarunt.* Vt L. bienus, Severus, Macarius, Combendaxis & alii. Drexel. c. l. c. 3. §. 8. *Epitaphia, Carmina, Panegyres, etiam mortem consequuntur.* Aliqua de his Idē §. 11. haber. *Sunt & alia consequentia mortis, ut resurrectio carnis, quam futuram credimus: consummatio seculi & iudicium extremum, quæ expectamus: vita æterna, quam exoptamus: & mors æterna, quam deprecamur: de quibus in Theologicis. Item testamentorum resignationes, de quibus in Jure plura. Quædā de his narrat Drexel. c. l. §. 10.*

21. Ita absolute mors considerata fuerit: Respective cum cognatis & oppositis spectetur. Cognata mortis sunt somnus, consanguineus lethi Poëtæ dictus: V. Drexel. c. l. c. 3. §. 19. & somnifera medicamenta, ut mandragora, unde mandragoram bibisse dicuntur, qui desides & à sensu velut abjuncti sunt, ut excitari vix possint. V. Rhodiginum c. l. c. 48. *ecstasis, de quâ d. 9. t. 23. morbi omnes, mortis prodromi.* Drex. c. l. §. 20. *Melancholia, quibus se mortuos quidam putant, cujus exemplum apud Manlium p. 749. videas. Parca mortis dea à Poëtis ficta, quæ filia vitæ extendant & abrumpan.* Opposita mortis sunt vel privativa vel contraria. Privativum, ut habitus morti oppositus, est vita, de quâ d. 9. Et mors privative opponitur, sed ut privatio cum purâ & totali negatione sumatur, quâ subjectum totaliter destruat. Aliàs proprie dicta privatio non tollit naturam subjecti totaliter, & substantialiter, sed aptitudinem tantum operandi: Mors autem est totalis & substantialis corruptio animalis vel plantæ, Tollit enim actum substantialem, qualis vita in vivente est. Deinde

mors.



mors etiam contrariè vitæ opponi potest, quatenus ut corruptio spectatur, vita ut duratio essendi. Omnis enim corruptio opponitur durationi contrariè & aduersè, tanquam due species ex aduerso posite, ut virtus & vitium. Contraria ejus sunt vel supernaturalia, vel naturalia, vel moralia. Supernaturalia, quæ à principiis supernaturalibus dependent. Talia sunt resurrectio mortui, & arbor vitæ in paradiso. Resurrectio mortui est hominis Physicè defuncti ad eandem vitam vera reductio, divinâ virtute peracta. Dicitur vitam eandem, quæ essentiam, non semper quæ essentia superjecta accidentia. Vita Physica reducitur, quia eadem numero anima reunitur eidem numero corpori, & sic idem actus substantialis vitalis per illam reunionem in demortuo reproducitur, qui in vivo olim fuerat, in quo actu vitam Physicam consistere d. 9. t. 6. dictum fuit. Cætera accidentia vitæ reductæ, & ulteriores velut termini alii à priore vitæ esse possunt: ut cum in ultimâ resurrectione resuscitabuntur mortui alii ad gloriâ aternam, alii ad opprobrium aeternum. Sic cum post resurrectionem cibus & potus quidam utuntur, ut Marc. 5. v. 43. De quibusdam id non legitur. Vt Matt. 27. v. 52. 53. Interdum ad hanc vitam animale reduci sunt mortui, ut filius Sunamitis. 2. Reg. 4. Vir ossa Elisa contingens. 2. Reg. 13. filius viduæ in Naïn. Luc. 7. Dicitur vera reductio, ut distingatur ab apparente, quæ Magica & Sathanica, cum Diabolus aut magus ejus ope usus mortuum revocare in vitam videtur, cum nihil minus agat. Sic cum puellam aliquam demortuam per biennium circumduxit, ut quasi viva ambularet. Manlius Collect. p. 40. Peucerus de div. p. 14. Dicitur divinâ virtute patrata, quia aliâ vi resurrectio mortui vera produci non potest. Magica enim & Sathanica prestigia tantum sunt, non veritates. Resurrectio mortui est vel particularis, vel genera-

*lis. Particularis, quando singulari exemplo unus alterq. in vitam est reductus, ut exemplis adductis constat. Generalis, quando in decretorio die virtute Christi omnes mortui ad vitam revocabuntur, ut judicentur. Joh. 5. v. 28. 29. Matt: 25. v. 31. 32. Arbor vitæ fuit arbor paradisi terrena à Deo plantata, fructus in longissimam vitam animalem hominem conservantes producents. Varia de istâ arbore, ejusq. virtute sentiuntur. Quæ ap. Pererium l. 3. in Gen. n. 57. seq. Scharpium Curs. Theol. de imag. Dei T. 1. p. 189. Bellarm: de gra. pri. hom. c. 19. Corn. à Lapide in c. 2. v. 9. Gen. Valesium de sacr. Philos. c. 6. videas. Fanaticorum quidam eam divinas virtutes produxisse ajunt, ex quarum comestione Adam in æternum vivere potuisset, ut Stiefelius. De quo D. Weberum in pseudo-Christo ocreato c. 2. §. 6. consulere possis. Naturalia contraria mortis sunt omnia Medicamenta vitam conservantia, mortem detinentia: ut præstantia cordialia, magisteria perlarum, auri; electuaria, catholica, & similia. Moralia sunt pietas, preces & opera pietatis, I. Tim. 4. v. 8. 2. Reg. 20. v. 5. quæ vitæ producenda, mortis protrahenda promissionem habent. Omnes magnanimi mortem contemnentes, & eis opus, strenuè ei se objicientes, ut Simson, Maccabeus, Sogdiani nobiles ap. Curt. l. 7. c. 10. Gymnosophista Indorum ap. eundem, l. 8. c. 9. sancti, qui mortem non vitant, sed invitant, aliq. Diogenes mortem malam non esse dixit, quòd non sentiat. Erasmi: l. 3. apop: §. 97. in Diogene.*


22. *Ita mors tractata: Addendum aliquid de mortalitate. Mortalitas interdum ipsos homines mortales notat. Ut Plinius l. 7. c. 40. Vana mortalitas, & ad circumscribendum seipsam ingentiosa, pro; vani homines: interdum potentiam ad recipiendam mortem, ut hic. Ita interdum mortale dicitur generaliter, quicquid corrumpi aut extinguì potest, et si non*



si non precisè animatū sit. Sic Quintil. l. 5. c. 12. in rebus aper-  
tis argumentari tam stultū ait, quàm in clarissimū solem mor-  
tale lumē inferre, pro, extingvibile lumen. Interdū speciali-  
ter, cum substantivè sumitur, solum hominē notas. Vt Plin:  
l. 12. c. 17. Tanta mortalibus suarum rerū satiētas est, alienarūq;  
aviditas. Definitur mortalitas ad subeundā mortem ali-  
qua habilitas. Dividi potest in remotā & propinquā. Remo-  
ta est, quā absolutè aliquid morti subiacere potest, de facto ta-  
mē subiacere non debet, nisi alio accedente. Hāc in Adamo ante  
lapsū fuisse suprā concessū est, th. 15. Pro illā fervidè depugnat  
Socin⁹ respon⁹ ad defen. Puccii. c. 1. 2. 3. seq. Puccius non  
homini solum ante lapsū, sed omnib⁹ creaturis eā assignat,  
quasi nulla de facto interire debuerit, si homo integer perstitis-  
set, in epist. ad Socin. & defen. argū. suorū ad eundē. Ar-  
gumēta sequentiā pro istā sententiā congesit. 1. De⁹ fecit o-  
mnia sūmē bona. Gen. 1. v. 31. E. & immortalia, nā mors in sum-  
mē malis est, & consequenter mortalitas, quā de facto mors se-  
qui debet. 2. In creaturā & Creatore ante lapsū analogia fuit.  
E. & immortales creaturae fuerūt. Nam nihil magis dissimile  
immortali, quàm mortale. 3. In faciē hominis spiraculū vitæ  
est inspiratū, & factū est homo in animā viventē. Gen. 2. v. 7.  
Sed spiraculū vitæ & anima vivens ē diametro cū mortalita-  
te pugnat. 4. Posit⁹ fuit primo homo in summā sede voluptatis.  
Sed nulla solida voluptas esse potest, ubi mors imminens expe-  
ctāda est. 5. Cib⁹ hominis fuit immortalis, & ideò post lapsū ne-  
gato ei, ne in aternū viveret. Gen. 3. v. 22. E. & effect⁹ ejus in  
corpore hominis fuit, quæ est immortalitas. 6. In descriptione  
creationis nulla est mentio mortis aut mortalitatis, nisi post la-  
psū. Gen. 3. v. 19. E. ante lapsū illa locū non habuerunt. 7. Deus  
mortē non fecit. Sap. 1. v. 13. Sed hominē fecit inexterminabilē  
& ad imaginem suā. Sed Diaboli invidiā mors intravit. Sap.  
2. v. 23. E. nec mortalitas rebus concreata fuit. 8. Per peccatū

*mors intravit in mundū. Rom. 5. v. 12. E. ante peccatū non  
 fuit in mundo, & sic res fuerunt immortales. 9. Restituitur  
 per Christū, quod in Adamo fuit deperditum. Sed per Christum  
 vivificantur omnia, quæ per peccatū erant mortificata. I. Cor.  
 15. v. 22. E. & istam vivificationē ante peccatum habuimus, &  
 sic immortales fuimus. 10. Si mors ante peccatū fuit, & Mes-  
 sias tantū illā destruxit, quæ ex peccato est, E. Christus nos ad  
 vitam naturalē mortalem restituit, qualem ante lapsum Ada-  
 mus habuit. E. nobis post resurrectionem adhuc mors per natu-  
 rā expectanda, Et Christo nobis similis ipse adhuc mortuus erit,  
 & nullam solidā felicitatem morte suā comparavit, quippe quæ  
 à morte immunis esse nō possit. At hac omnia sūt absurda. E. &  
 id, ex quo sequuntur. Quid his rationibus roboris insit, in di-  
 scursu videri poterit. Quædam propinquā mortalitatem, quā  
 aliquid mori tandē debeat, benè excludunt, non remotiā: quæ-  
 dam parū solidi in se continent: quædam de morte concludūt,  
 nō mortalitate: aliæ malè ad creata universa extenduntur, cū  
 de homine inferre debeant. De cæteris creaturis corporeis quid  
 ante lapsū in hoc fuerit, ex sacris non aperte colligitur. Remotiā  
 mortalitate & cælum corruptibile dicimus, etsi de facto per  
 naturā nunquam secundum se totū corrumpatur. Propinqua  
 mortalitas est, quā aliquid accedente termino tandē mori de-  
 bet, & de facto moritur. Quomodo post lapsū omnes mortales  
 sumus, nisi peculiariter excipiamur. Causæ hujus mortalitatis  
 sunt partim diabolus seducēs, Sap. 2. v. 24. partim peccator in-  
 ducēs, Rom. 5. v. 12. Finis ejus est, ut sit pœna peccati. Gen. 3. v. 19.  
 Rom. 5. c. l. Oppositū ejus est immortalitas, quā mori aliquid  
 nequit, eaq̃ vel absoluta, quæ soli DEI. I. Tim. 6. v. 16. vel cō-  
 parata, quæ angelorū. Luc. 20. v. 36. & animarū humanarum.  
 Eccl. 12. v. 7. Matt. 10. v. 28. Et hac etiā de morte ac mortali-  
 te dicta sunt, & cum his finis decadis secundæ Miscel-  
 lanceorum CUM DEO esto.*



itini  
ere  
and  
re.  
ti-  
to:  
are.  
  
ro-  
e li  
pe-  
t-





